

Advokat Mirna Delalić

Kralja Tvrtka I, br. 1

75 000 Tuzla

tel/fax: 035 / 262 – 133

mob.: 061 / 878 – 657

e-mail: mirna.delalic@advokat-delalic.ba

Depo.ba

Ul. Kemala Kapetanovića br. 17

71 000 Sarajevo

Tuzla, 03.10.2020. godine

PREDMET: Demanti

Poštovani,

Obraćam Vam se kao punomoćnik g. Husić Fadila iz G. Rainaca, Kalesija i društva „Spectrum Vision“ d.o.o. Kalesija, a koje punomoći Vam dostavljamo u prilogu. Cijeneći odredbe Zakona o zaštiti od klevete FBiH, Kodeksa za štampu i online medije BiH i druge relevantne propise, u ime svojih klijenata, zahtijevamo objavu demantija na naslov članka: „*VRUĆA POLITIČKO-PRIVREDNA JESEN U KALESIJI, Suad Bešlić odgovara: Nisam pristao na ucjenu, htjeli su me prevariti... Tražim reakciju Ambasade Njemačke u BiH!*“, koji je objavljen na www.depo.ba dana 26.09.2020. godine u 16:18 sati. Zahtijevamo i da ovaj demanti bude objavljen bez promjena i dopuna, na isti ili istovjetan način u internetskom izdanju, kako je portal depo.ba objavio i gore navedeni članak.

Naglašavamo da se ovaj demantij upućuje u ime g. Husić Fadila i društva „Spectrum Vision“ d.o.o. Kalesija s obzirom da su u predmetnom članku izneseni netačni navodi kojim se nanosi šteta g. Husić Fadilu, ali i ugledu „Spectrum Vision“ d.o.o. Kalesija.

Naime, u navedenom članku se navodi niz netačnih navoda, a prije svega da je traženo da se neka dobit od 638.000,00 KM proknjiži kao nedostatak u kvalitetu proizvoda s obzirom da niko i nikada od uposlenika ili od g. Fadila Husića kao direktora firme Spectrum Vision d.o.o. Kalesija nije traženo da proknjiži bilo kakav iznos. Dalje se navodi kako je g. Fadil Husić nešto samoinicijativno radio oko raspisivanja konkursa za prijem direktora u firmi Sućo d.o.o. bez znanja g. Suada Bešlića, te da je u telefonskom pozivu od istog tražio da pristane na prijedlog gospodina Mathiasa Hausmanna i da je g. Suadu Bešliću rekao „*Tvoji su dani odbrojani*“.

Navedeni dio teksta predstavlja izražavanje koje sadrži obilježja klevete shodno odredbama člana 4. tačka d) Zakona o zaštiti od klevete FBiH, zbog čega se g. Husić Fadilu i društvu „Spectrum Vision“ d.o.o. Kalesija nanosi šteta s obzirom da od g. Fadila Husića ili bilo koga od uposlenika firme Spectrum Vision d.o.o. Kalesija nije traženo da proknjiži bilo kakav iznos kao nedostatak u kvalitetu proizvoda niti je tačno da je g. Fadil Husić nešto samoinicijativno radio bez znanja g. Suada Bešlića oko raspisivanja konkursa za prijem direktora u firmi Sućo d.o.o. Također je netačno da je g. Fadil Husić od g. Suada Bešlića tražio da pristane na neki prijedlog g. Mathiasa Hausmanna i da je istom rekao da su njegovi dani odbrojani.

Neistine kakve su iznesene u navedenom članku direktno utiču na ugled i čast g. Husić Fadila radi čega isti trpi duševnu bol i materijalnu štetu, ali i ugled firme „Spectrum Vision“ d.o.o. Kalesija s obzirom da se radi o firmi koja u svom poslovanju primjenjuje najviše standarde zaštite i povjerljivosti podataka svojih klijenata.

S tim u vezi podsjećamo da je članom 5. Kodeksa za štampu i online medije BiH propisano da novinari imaju profesionalnu obavezu blagovremeno ispraviti bilo koju objavljenu informaciju za koju se utvrdi da je netačna. Pored toga Vas pozivamo i da poštujuete sva načela u smislu odredbi člana 5., člana 6. i člana 8. Kodeksa za štampu i online medije BiH.

Zahtijevamo da ovaj demanti objavite u cjelosti, bez korekcija i da objavite izvinjenje zbog nanošenja štete.

S poštovanjem,

ADVOKAT
Mirna Delalić
Ul. Kralja Tvrtka I br. 112/12
Advokat Mirna Delalić

Prilog kao u tekstu.